

NEHEMIA

Nehemiaba Ācōrēa iwiðida

1 ¹Nañ cartara Hacialía warra Nehemiaba ðaðaa.
Artajerje veinte poa Persiadebema boroda ðeðacarea Quisleu
jedecode młra Susa puru dromane ðasia.^a ²Māwā ðaðe mł djaba
Hananida dewararā ume Juda druadeba zesidaa. Młā ādjirāa judiorā
Babilonianeba jēda wāpeðadebemada idjaba Jerusaleñ puruðebema
sida iwiðisia. ³Ādjirāba młā nāwā jarasidaa:

–Judiorā Babilonianeba jēda wāpeðadara bia mīga panla idjaba quīrā
pera panla. Jerusaleñ puru auðu jūrā ca ðadara wadibida ārī ðla. Dji
puruðe eða wābada sida bá wāna bērā neēa.–

⁴Mañ ūrīside młra chūmepeda jīasia. Sopuaba dārā ne coðaca ewarida
osia idjaba Ācōrē bajāne ðla iwiði ðasia. ⁵Nāwā iwiðisia:

–Ācōrē bajāne ðl, ðlra dji dromaara ðla. Ðadrl wayaðida panla.
Ðl quīrīā ðea ume, ðl ðeða ijā ðea ume ðeða ðadara ðla quīrīāneba
jūma obaria. ⁶Młra ðl nezoca bērā mł djuburia ūrīdua młā āsa
diamasi biða ðl nezocarā Israeldebema carea iwiði ðada. Młā ebuða
jaraya: dai israelerāba ðl quīrāpita cadjiruada osidaa. Młā, mł zeza
ēberārā biða ðl quīrāpita cadjiruada osidaa. ⁷Dairāba wārāda ðl
quīrāpita jūmawāyā cadjiruada osidaa. Ðl nezoca Moiseba diða leyda
ijā oðae ðasia.

⁸Baribarl ðl nezoca Moisea jaradara quīrānebadua. Ðla nāwā
jarasia: “Bārā israelerāba ijānaēðarl, młā bārāra druā ðeaza jłrecuaya.
⁹Baribarl bārāba młda wayacusa ēpēnibarl idjaba młā jaradada ijā
oðibarl, mamałba wayacusa młā eðaða puruðaa eneya bārā tāēna ðai
carea. Bārā taml āyā jłrecuabarl sida młā pe eneya.”^b

¹⁰Dairāra ðl nezocarāa idjaba ðl purua. Ðl lðla waiðladeba dairāra
ēðrl edasia. ¹¹Ācōrē, mł djuburia za quiru nezocaba iwiði ðada idjaba
ðl nezoca waabemarāba iwiði panl sida ūrīdua. Dairāba ðlra bio waya

a 1:1. Dadjirāba jedeco juachabada quīrāca mañ Quisleu jedecora noviembrede wa
diciembrede baebaria. **b** 1:9. Deuteronomio 30:1-4.

panaa. Mā djuburia idi mā boromaa wābalaḥde carebadua. Māa idjía iwidiḥalaḥda bia ūrīḥidua.–

Mañ ewariḥde māra Persiadebema boro uva ḥa jue diabari basía.

Nehemia Jerusaleānaa wāna

2 ¹Artajerje veinte poa Persiadebema boroda ḥedacarea Nisañ jedecode māa uva ḥada idjīmaa edesia.^c Mañne idjia māra sopua ḥada unusia. Mañ naēna māra māwā unuca basía. ²Mañ bēra idjia mālā iwidiḥia:

–¿Cārē cārēa ḥara sopua ḥa? Cacia bia ḥa bēra mañ carea sopua ḥaéa. ¿Ne crīcha ḥaba jāwā ḥaca?–

Idjia māwā iwidiḥa bēra māra bio ne wayasia. ³Mañne māa idjía jarasia:

–Mā boro, ḥmā quīrīā ḥa ḥara dārā zocai ḥaida! Mā djibarirā ḥabaripeḥada puruda jūma ārī ḥa. Dji purude eḥa wābada siḥa bá wāna bēra neéa. Mañda ḥmāra sāwā sopua ḥaé?–

⁴Mañne Persiadebema boroba mālā iwidiḥia:

–Māēteara ḥmā sāwā carebai?–

Ara mañda soḥeba māa bajāne ḥa Ācōrēa carebamārēā iwidiḥia.

⁵Mañbe māa Persiadebema boroa nāwā panusia:

–Ḥamaa bia ḥabara idjāba māda bia unu ḥabara, māra Juda druāḥaa mā djibarirā ḥabaripeḥada puruḥaa diabuedua mañ purura wayacusa oi carea.–

⁶Mañne idji quima arima ḥūmaḥne Persiadebema boroba mālā iwidiḥia:

–¿Ḥara ewari jūmasāwā mama ḥai? ¿Sālbe jēda zei?–

Persiadebema boroba mā wāira bia unusia. Mañ bēra māa ewarida ḥasia. ⁷Mañne māa Persiadebema boroa jarasia:

–Ḥamaa bia ḥabara, mālā cartada Euprate do quīrārēbema bororā itea ḥa diadua. Mañ cartade ḥadua ādjirāba māra idu Juda druāḥaa bia wāḥidamārēā. ⁸Mañ awara cartada oi wagabari Asá itea mālā ḥa diadua. Mañ cartade ḥadua bacuruda mālā diamārēā. Mañ bacuruba mā deda, dji eḥa wābada Ācōrē de droma caita ḥea siḥa oya. Mañ awara dji puru auḥu mōgaraba jūrā ca ḥa obaraḥde bacurura erobaida ḥa.–

Ācōrēba idji biadeba māra carebada bēra māa iwidiḥara Persiadebema boroba jūma osia.

⁹Mā wāside Persiadebema boroba sordao bororāda, cawayodeba djōbadarā siḥa ācāra diabuesia. Euprate do quīrārēbema bororāma jūēsidade māa Persiadebema boroba ḥaḥa cartara ādjirāa diasia.

¹⁰Baribara Horō puruḥebema Sanbalāba, Amoñnebema dji droma Tobía biḥa ūrīsiḥaa māra israelerā carebaḥde zesida. Mañ carea ādji soḥe bio bié panesiḥaa.

c 2:1. Dadjirāba jedeco juachabada quīrāca mañ Nisañ jedecora marzode wa abrilde baebaria.

Jerusaleā auđu jūrā ca ɓaɗa wayacusa opedada

11-12 Jerusaleāne jūēnacarea ewari ūbeade diamasi pirabaripeda mālra Jerusaleā auđu jūrā ca ɓaɗada acalɗe wāsia. Baribara mālra ni abala jaraé basia Ācōrēba māl sode Jerusaleāne oi crīchabi ɓada. Wābaralɗe ēberāda zocārāēbe māl ume edesia. Ababe mālɗra animarā ārl wāsia. Waabemarāda animarā ārl wānaé basia. 13 Mañ diamasi mālra purude eɗa wābada Jeweɗa abadaare ēɗrasia. Mamaɓba baido egoroɗeba bogadrl ɓa Dama abadaare wāpeda purude eɗa wābada Talɓa Pora abadama jūēne wāsia. Wāne mālra Jerusaleā puru auđu jūrā ca ɓaɗa jūma ārl ɓada acal basia. Dji purude eɗa wābada bá wāna sida jūma acalɗa. 14 Mamaɓba purude eɗa wābada “Baido egoroɗeba bogadrl ɓa” abadaare wāsia. Dji Boro Amene abadama jūēne wāsida mōgara waɓɓada tabea bēra māl animarāra poya nocoɗaa wāé basia. 15 Mañ bēra wadi diamasi nūmalne jeweɗaareba mālra Jerusaleā auđu jūrā ca ɓaɗara acal wāsia. Jūma palɗa acalpeda purude eɗa wābada Jeweɗa abadama jūēsia. Mama wayacusa purude eɗa wāsia.

16 Jerusaleānebema bororāba adua panasidaa mālra sāma wāsida, ni cārēda oɗe wāsida. Mālra judiorāa, sacerdoterāa, dji dromarāa, dji bororāa, dji traju oɗi ēberārāa bida wadibida jaraé basia cārēda oɗe ze ɓada. 17 Mañbe mālra ādjirāa jarasia:

–Bārāba unu panla dadjirāra bia mīga panɗa. Dadji puru Jerusaleāra jūma ārl ɓa idjaba dji eɗa wābada sida bá wāna bēra neéa. Jāñbe puru auđu jūrā ca ɓaɗara wayacusa oɗia waa quīrā perada amaaba.–

18 Mañ awara mālra ādjirāa nēbaralɗa sāwā Ācōrēba idji biadeba mālra carebasida, Persiadebema boroba mālra jaraɗa sida. Mañne ādjirāba jarasidaa:

–Māēteara wayacusa oɗia.–

Ara mañda ādjirāba jawwa ɓasidaa. 19 Baribara Horol purudebema Sanbalāba, Amoñnebema dji droma Tobíaba, Arabiadebema Gesem bida mañ ūrisidaɗe dairāra nāwā bié ipida jarasidaa:

–¿Cārēda oɗida crīcha panl? ¿Māwāra Persiadebema borora igaraɗica?–

20 Mālra nāwā panusia:

–Ācōrē bajāne ɓaba dairāra carebaya jūma pārāni carea. Dai, idji nezocarāba puru auđu jūrā ca ɓaɗara wayacusa oɗia. Bārāra Jerusaleānebema bororāéa. Nañ purura bārāneéa. Bārāra nama pananaca basia.–

Nehemia 6:15-16

6 15 Mañbe Elul jedecoɗe ewari 25ɗe Jerusaleā puru mōgaraba auđu jūrā ca ɓara jūma pārāsidaa.^d Pārāni carea 52 ewari trajasidaa.

d 6:15. *Elul jedeco.* Dadjirāba jedeco juachabada quīrāca mañ Elul jedecora agostode wa septiembrede baebaria.

¹⁶Dairã caita bea druadebema dji quĩrũrãba maĩ ũrĩsidade bio ne wayasidaa idjaba quĩrã perasidaa. Adjirãba cawasidaa dai Ācõrẽba carebasida maĩ traju pãrãni carea.